

Bosna i Hercegovina  
Federacija BiH  
Kanton Sarajevo  
Skupština Kantona Sarajevo  
n/p gđa Ana Babić, Predsjedavajuća

## ZASTUPNIČKO PITANJE

Na 34. Radnoj sjednici Skupštine Kantona Sarajevo, zakazanoj za 31.10.2017. godine, upućujem zastupničko pitanje Ministarstvu saobraćaja Kantona Sarajevo, vezano za konačno rješavanje problema saobraćajnih gužvi na pravcu Sarajevo – Vogošća.

Naime, ovaj dugogodišnji problem postaje sve izraženiji, i danas imamo situaciju da saobraćajne gužve na ovom ulazu u Sarajevo nisu samo u jutarnjim i poslijepodnevnim satima, već doslovno tokom cijelog dana. Kolone automobila se protežu od stadiona Koševo do Vogošćanske petlje, i za ovih par kilometara vožnje automobilom nerijetko treba izdvojiti i sat do sat i pol vremena.

Takođe, u par navrata sam podnosila zastupničke inicijative za adekvatno uvezivanje naselja Šip i ulice Jukićeva, koje nisu povezane u saobraćajnom smislu. Svaki put odgovor nadležnih je glasio da će navedeno biti realizovano do kraja godine, a isto nije ni započeto do današnjeg dana. Takođe, najavljivana je izgradnja kružnog toka na Šipu, koji bi trebao biti dijelom Prve transferzale, međutim ni ovi radovi nisu niti započeti. Sva dosadašnja obećanja i medijski istupi nadležnih djeluju, u najmanju ruku, neozbiljno.

S obzirom da je strpljenje naših sugrađana na izmaku, ovaj put molim nadležne za konkretan i precizan odgovor, na koji način i u kojim tačno definisanim rokovima se može očekivati konačno rješavanje problema.

Sarajevo, 31.10.2017. godine

Zastupnica u Skupštini Kantona Sarajevo

Neira Dizdarević